

Bosna i Hercegovina, Generalno tajništvo Vijeća ministara, Trg Bosne i Hercegovine broj 1, 71000 Sarajevo, kojeg zastupa generalni tajnik Robert Vidović (u daljem tekstu: Ugovorni organ)

i

LANACO d.o.o., Veljka Mladenovića bb, 78000 Banja Luka, kojeg zastupa direktor Nebojša Ninić, (u daljem tekstu Ponuđač)

U G O V O R **o isporuci ATP Sandbox licence**

Član 1.

Ugovorne strane saglasno utvrđuju da je Ponuđač **LANACO d.o.o., Veljka Mladenovića bb, 78000 Banja Luka** odabran kao najpovoljniji ponuđač za isporuku **ATP Sandbox licence**, a na osnovu Otvorenog postupka za dostavu ponuda za nabavku ATP Sandbox licence, broj: 06-16-3-2061-2/24 od 17.09.2024. godine.

Član 2.

Ukupna cijena ponude na godišnjem nivou, bez poreza na dodanu vrijednost, iznosi **53.846,00KM** (slovima: pedesetitrihiljadeosamstotinačetrdesetišest i 00/100KM), a sa uračunatim porezom na dodatnu vrijednost iznosi **62.999,82KM** (slovima: šezdesetidvije hiljadedevedestotinadevedesetidevet i 82/100KM).

Član 3.

Ponuđač se obavezuje da ugovornom organu isporuči licencu za korišćenje ATP Sandbox softverskog rešenja za potrebe napredne zaštite IT infrastrukture Ugovornog organa, u skladu sa specifikacijama navedenim Aneksu 2 tehničke specifikacije.

Član 4.

Ponuđač se obavezuje na nepromjenljivost ponuđenih cijena, osim u slučajevima promjene cijena vezanih za zakonske obaveze, o kojima je dužan odmah, pismeno izvjestiti Ugovorni organ.

Član 5.

Ugovorni organ će platiti fakturu za uredno izvršene usluge, u roku od 15 (petnaest) dana od dana potpisivanja Primopredajnog zaspisnika od strane ovlaštene osobe ugovornog organa koji će sadržavati kvalitativni i kantitativni prijem usluga. Ponuđač će ispostaviti fakturu u KM (konvertibilnim markama).

Član 6.

Ponuđač se obavezuje da Ugovornom organu isporuči licence, uključujući sve aktivacione kodove i tehničku dokumentaciju, najkasnije u roku od 10 dana od dana potpisivanja ovog ugovora.

Isporuka će se izvršiti elektronskim putem na email adresu:
boris.vaskovic@vm.gov.ba.

Član 7.

Licenca obuhvata: FortiSandbox-2000E Threat Intelligence (Antivirus, IPS, Web Filtering, File Query, Industrial Security, Sandbox Engine plus FortiCare Premium)

Tip softvera: ATP Sandbox

Vrsta licence: Licenca za sigurnosni uređaj

Broj korisnika/uređaja: 1

Trajanje licence: 12 meseci od dana aktivacije

Verzija softvera: v4.4.6 build0397 (GA)

Član 8.

Ponuđač se obavezuje da će u toku trajanja ovog ugovora osigurati:

- Jednogodišnja licenca za uređaj FortiSandbox 2000E koja otključava sljedeće funkcionalnosti uređaja: IPS, antivirus, Web filtriranje, File Query, Industrial Security i Sandbox Engine;
- Jednogodišnja tehnička podrška i garancija proizvođača u periodu 24x7;
- Izabrani ponuđač je u obavezi da izvrši nadogradnju softvera uređaja na najnoviju preporučenu verziju proizvođača.
- Potrebno je ispratiti obnovu licenci na uređaju i ukoliko bude problema sa istom, riješiti problem sa podrškom proizvođača.
- U slučaju kvara uređaja, koji je pokriven garancijom i tehničkom podrškom, izabrani ponuđač je dužan da izvrši zamjenu uređaja.

Član 9.

Ugovorni organ je odgovoran za instalaciju i konfiguraciju softvera, uz tehničku podršku ponuđača. Ponuđač se obavezuje da pruži tehničku podršku tokom perioda implementacije u trajanju od 365 dana od datuma isporuke licence.

Član 10.

Ponuđač se obavezuje da pruži tehničku podršku ugovornom organu u vezi sa korišćenjem softvera, uključujući pomoć pri rešavanju tehničkih problema i pružanje ažuriranja softvera u toku trajanja licence.

Tehnička podrška je dostupna 24x7, putem telefona ili e-maila: servicedesk@lanaco.com.

Član 11.

Ponuđač garantuje da će softver raditi u skladu sa tehničkim specifikacijama i da će ugovorni organ imati pravo na sve nadogradnje softvera na novu verziju i ažuriranja tokom perioda važenja licence.

Član 12.

Ugovor stupa na snagu od momenta kada ga potpišu obje ugovorne strane i važi godinu dana od dana potpisivanja.

Član 13.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 30 dana.

Član 14.

Ugovorne strane su saglasne da sve eventualne nesuglasice rješavaju sporazumno, a ukoliko to nije moguće nadležan je Sud Bosne i Hercegovine. Za pitanja koja se pojave tokom realizacije a nisu regulirana Ugovorom primjenjuju se odredbe Zakona o obligacionim odnosima.

Član 15.

Ugovorne strane su saglasne da Ponuđač nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koju je angažovala Komisija za nabavku u postupku koji je prethodio ovom ugovoru, najmanje 6 (šest) mjeseci po zaključenju ugovora.

Član 16.

Ovaj ugovor je sačinjen u pet istovjetnih primjeraka, dva za Ponuđača, dva za Ugovornog organa i jedan za Pravobranilaštvo BiH.

Član 17.

Ugovorne stranke su saglasne da su ovaj Ugovor pročitale i razumjele, te ga u znak saglasnosti potpisuju.

PONUĐAČ

LANACO D.O.O.

Broj UG-33-2928/24

Banja Luka, 11. 10. 2024. god.

UGOVORNI ORGAN

GENERALNI SEKRETARIJAT
VIJEĆA MINISTARA BIH

Broj: 06-16-3-2061- 11/24

Sarajevo, 21.10.2024. god.

N.d.

